

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. केंद्री मंत्रिमंडल नै 8में तनखाह कमीशन दे कार्यक्षेत्र गी अज्ज मंजूरी देई दिती जेहड़ा केंद्र सरकार दे मलाजमें दी तनखाह च बाददे बारै अपनियां सफारिशां देग।
2. जम्मू-कश्मीर विधानसभा नै सरकारी ज़िमिं पर बने दे मकानें गी मिलकियत दा अधिकार देने बारै पेश इक बिल गी खारज करी दिता।
3. सरकार आसेआ उन्दे पर गौर कीते जाने दा भरोसे दोआए जाने दे बाद अज्ज केई विधायकें अपने बिल परताई लैतै।
4. जम्मू-कश्मीर सरकारै मैहकमा पीडब्ल्यूडी, जलशक्ति ते बिजली विकास च इंजीनियरें गी तौले तरक्की देने लेई सेवा नियमें च तरमीम कीती ऐ।
5. जम्मू-कश्मीर राश्ट्री यूथ फेस्टीवल 2026 लेई जिला सतह दे आयोजनं दी शुरुआत करने जा'रदा ऐ, इन्दे चा ताले गेदे नोजवानें गी प्रधानमंत्री होरें'गी मिलने दा मौका थहोग।

<><><><><><>

Cabinet 8th Pay Commission

केंद्री मंत्रिमंडल नै 8में केंद्री तनखाह आयोग जानी पे-कमीशन दे कार्यक्षेत्र गी मंजूरी देई दिती ऐ जेहड़ा अपने गठन दी तरीक कोला लेइयै 18एं महीने दे अंदर-अंदर अपनी सफारशां पेश करग। अज्ज नमीं दिल्ली च लग्गी दी मंत्रिमंडल दी बैठकादे बाद मीडिया गी जानकारी दिंदे होई सूचना ते प्रसारण मंत्री अश्विनी वैश्वणव होरें एह जानकारी दिती। पे कमिशन दिएं सिफारशें दी विनाह पर गै तैह होग जे केंद्र सरकार दे मलाजमें दिएं तनखाई ते पेंशनें च किन्ना बाददा कीता जाहग। उनें आखेआ

<><><><><><>

Land Property Bill

जम्मू-कश्मीर विधानसभा नै अज्ज सरकारी जिमिएं पर बनाए गेदे घरें च रवा करदे लोकें गी मिलकियत दा अधिकार देने बारे इक प्राइवेट मिम्बर बिल गी खारज करी दिता। पीडीपी दे विधायक वहीद परा होरें एह बिल सदन च पेश करने लेई रखेआ ते एहदे लेई हर व्यक्ति लेई घर दे अधिकार दा हवाला दिता गेदा हा। मुखमंत्री उमर अब्दुल्ला होरें इस बिल दा एह आखदे होई बरोध कीता जे एहदे नै सरकारी जिमिएं पर कब्जा करने गी बढ़ावा थोग ते सार्वजनिक जिमिएं दी हर कीमतें पर राखी ते बचाव कीता जाना लोड़्छा। सरकारें परा होरें गी बिल वापस परताई लैने लेई आखदे होई गलाया जे सरकारी जिमिएं पर कीते गेदे कब्जें गी कुसै बी सूरतें च जायज करार नेई दिता जाई सकदा। विधायक वहीद उर रहमान परा हुंदे सरकारी जिमी वियमन ते पारदर्शिता बिल पर प्रतिक्रिया दिंदे होई मुखमंत्री होरें आखेआ

<><><><><><>

Itoo-Drug Menance

काबिना मंत्री सकीना इतू होरें अज्ज जम्मू-कश्मीर च नशाखोरी दी बधदी कवैतु पर चिंता प्रगट करदे होई इसी इक्क बड्डी ते गंभीर चुनौती करार दिता। अज्ज विधानसभा च बीजेपी दे विधायक सुरजीत सिंह सलाथिया हुंदे आसेआ साम्बा जिले ते होरनें इलाकें च नशाखोरी पर पुट्टे गेदे सोआलै दे परते च सकीना इतू होरें आखेआ कि सरकार इस समस्या गी बड़ी संजीदगी कन्नै लै करदी ऐ। उनें दस्सेआ जे अपना ओहदा साम्भने दे बाद बक्ख-बक्ख जिलें च केई नशामुक्ति केंद्र स्थापित कीते गेन। उनें आखेआ जे स्कूलें ते कालजें गी बी आखी दिता गेदा ऐ जे जेहड़ा कोई नौजवान नशाखोरी आहली बक्खी आकर्षित होंदा ऐ, उसी इनें केंद्रें च स्हेई मार्गदर्शन ते परामर्श लेई भेजेआ जा। मंत्री होरें आखेआ जे प्रशासन नशे दी तस्करी पर रोक लाने ते एहदे च शामिल लोकें पर तक्क रखने ते उन्दे खलाफ सख्त कार्रवाई लेई दृढ़ संकल्प ऐ।

<><><><><><>

Bills-Withdraw

केई विधायकें अज्ज सरकार आसेआ उंदिएं चिंताएं ते सुझाएं पर संजीदगी कन्नै विचार करने ते भविक्ख च सरकारी नीतिएं गी तैयार करदे मौके उनें गी शामिल करने दा भरोसा दोआयाए जाने दे बाद अपने प्राइवेट मिम्बर बिल परताई लैते। जिनें विधायकें अपने बिल वापस ले, उन्दे च तनवीर सादिक, मोहम्मद युसुफ तारीगामी, मीर सैफुल्ला, निजामुद्दीन भट्ट, अलताफ अहमद वानी ते मुबारक शामिल न। तोआई, विधायक वहीद उर रहमान परा ते बलवंत सिंह मनकोटिया होरें अपने

बिल सदन च रखे जाने पर जोर दिता पर मूंह जबानी वोट कन्नै सदन नै एहदी इजाजत नेई दिती।

<><><><><><>

CM-BCCI

केंद्र शासित प्रदेश च क्रिकेट ते होरनें खेड़ों गी बढ़ावा देने बारै गल्ल करने लेई भारती क्रिकेट कंट्रोल बोर्ड बी.सी.सी.आई दे अध्यक्ष मिथुन मन्हास होर अज्ज मुखमंत्री उमर अब्दुल्ला हुं'दे नै मिले। मलाटी दरान दौनें बशकार जम्मू-कश्मीर च क्रिकेट गी बढ़ावा देने बारै बक्ख-बक्ख पहलुएं पर सोच-विचार कीता गेआ। मिथुन मन्हास होरें मुखमंत्री होरें'गी क्रिकेट प्रतिभा दी पंछान करने, पांचागत सुविधाएं च बाददा करने ते नौजवान खडारिं गी मते-मते मौकें बारै बक्ख-बक्ख कार्यक्रमें, पैहलकदमिं ते सुझाएं बारै चर्चा कीती। चर्चा दरान प्रतिभाशाली खडारिं दी पंछान करियै उ'नेंगी सिखलाई लेई बनकदा साजगार माहौल ते सुविधा उपलब्ध कराने पर चेची गल्लबात कीती गई। मुखमंत्री होरें बी इस लक्ष्य लेई सरकार दे धेड़ए गी फही पक्का कीता।

<><><><><><>

Promotion-Amendment

जम्मू-कश्मीर सरकार नै लोक निर्माण (आर.एण्ड.बी) मैहकमे च तरीक्कियें च तेजी आहनने लेई जम्मू-कश्मीर इंजीनियरिंग (गैजेटिड) सेवा भर्ती नियम 1978 च संशोधन कीता ऐ। उपमुखमंत्री हुं'दे दफ्तर मुजब हर स्तरें पर तरक्कियें आस्तै लोड़चदी सेवा अवधि च द'ऊं ब'रें दी कटौती कीती गई ऐ। हुन चीफ इंजीनियरें गी 20एं ब'रें दे बजाय 18 ब'रें दी सेवा मगरा तरक्की दिती जाहग, सुप्रिंटेंडिंग इंजीनियरें गी 15 ब'रें दी सेवा दे बाद तरक्की थहोग जिंदे च एग्जीक्यूटिव इंजीनियर दे तौर पर इक्क ब'रे दी सेवा शामिल ऐ। इयां गै एग्जीक्यूटिव इंजीनियरें गी 6 कोला 8 ब'रे दी समें-सीमा दे अंदर-अंदर तरक्की थहोग, एहदे च असिस्टेंट एग्जीक्यूटिव इंजीनियरें दे तौरा पर 2 ब'रें दी सेवा शामिल होग। एह नमें नियम जल शक्ति ते बिजली विभागें च बी लागू कीते जाडन।

<><><><><><>

National Youth Festival

जम्मू-कश्मीर च युवा सेवाएं ते खेड़ों सरबंधी निदेशालय राष्ट्रीय युवा महोत्सव 2026 विकसित भारत युवा लीडर्स संवाद लेई जिला स्तर दे कार्यक्रमें दी मेजबानी लेई तैयार ऐ। जिला स्तर पर जेतू प्रदेश स्तर दी प्रतियोगिताएं च हिस्सा लैडन ते उनें'गी राश्ट्री स्तर पर जम्मू-कश्मीर दी

नुमायंदगी करने दा मौका हासल होग, जेहदे च प्रधानमंत्री नरेन्द्र मोदी हुंदे कन्नै मिलने दा मौका बी शामिल होग। 15 थमां 29 बरें दी बरेसू दे नौजोआन लोक नाच, गायन, चित्रकारी, कविता, भाशन, कहानी लेखन ते नवाचार जनेही गतिविधियें च हिस्सा लेई सकदे न। इच्छुक प्रतिभागी mybharat.gov.in पर पंजीकरण करोआई सकदे न। होर मती जानकारी लेई 8899666225। इस उत्सव दा मकसद रचनात्मकता, नेतृत्व ते राष्ट्र निर्माण च योगदान गी बढ़ावा देना ऐ।

<><><><><><>

Marriage Assistance Reaction

जम्मू-कश्मीर सरकार आसेआ हाल च गै गरीब कुड़ियें लेई ब्याह सहायता योजना दे तैहत घट्टोघट्ट शैक्षणिक योग्यता च छूट देने दी घोषणा दी लोकें सराहना कीती ऐ। सरकारी हुक्म मुजब, 8मीं जमात पास करने दी अनिवार्यता गी 31 मार्च 2028 तगर हटाई दिता गेआ ऐ। रियासी दे जिला समाज कल्याण अधिकारी सचिन शर्मा होरें आखेआ ऐ जे इस गैह कन्नै गरीब महिलाएं गी सशक्त बनाया जाग ते कल्याणकारी फायदें गी व्यापक बनाया जाई सकोग। शिक्षा दे मानदंडें दे कारण पैहले खारिज कीते गेदे आवेदनें दी समीक्षा कीती जाग जेहदे कन्नै एह यकीनी बनाया जाग जे कोई बी योग्य कुड़ी इस सहायता योजना दे तैहत माली मदाद थमां खुंजी नेई जा। आकाशवाणी न्यूज कन्नै गल्लबात करदे होई उनें आखेआ

<><><><><><>

Joint Visit Octroi

सेना, बीएसएफ, सीआरपीएफ, आईबी ते जम्मू-कश्मीर पुलिस दे अफसरें दी इक सांझी टीम नै सुचेतगढ़ सैक्टर च बन्ने दी निगरानी लेई बुनियादी णांचे ते तकनीक दा जायजा लैने लेई सीमा चौकी दा दौरा लाया। बीएसएफ आस्सेआ 15 थमां 29 अक्तूबर तोड़ी चला'रदे सिविल-मिलिट्री फ्यूजन कैम्पसूल दे इक हिस्से दे तौर उपपर आयोजित इस दौरे दा मकसद सीमा प्रबंधन दे बारें च आपसी तालमेल ते समझ गी बेहतर बनाना ऐ। बीएसएफ दे अधिकारिएं प्रतिभागिएं गी निगरानी, घुसपैठ रोधी उपाएं ते बन्ने पर अबादी कन्नै जुड़े दे मुद्दें बारें जानकारी दिती। इस पैहलकदमी कन्नै देसै दे बन्नें दी राक्खी करने आहली सुरक्षा ते खूफिया अजेंसियें बश्कार सैहयोग, ते आपसी समझ च बाद्धा होआ ऐ।

<><><><><><>
